



In Mercuri ai 25 de Má é gnü sughé le recupero dla 4° partida dl ritorno dl campionat 2011/2012 de 3° categoria por La Val. La partida é gnüda sugada fora de ciasa cuntra la squadra da Gais (che La Val á batü tla Copa Provincia).

La Val vá indô fora cun le gofes ôtes purdon, sciöche tles ultimes trêi partides, cun na pordüda de 3 a 1. La crisa dla squadra va inant insciö. Ince sce la campionat ne á nia plü da dí por La Val é jüs i sogadusc te campo por davagné la partida. Mo cuntra Gais el stè zigü les grüm de assenzes che á magari contribuí ala pordüda. Mo chësc ne po zigü nia ester na scusa.

Da mëter man dla partrida á La Val sughé bun, mo oportunitês da gol ne é nia stè. Mo bel dô da 15 menüć an udü che la partida ne jê nia tle dër vers. En grüm de passaggi sbagliá y i sogadusc da La Val ruvâ præsc tres ultimi sön la pala. Mo le Gais ne á gnanca fat tiri te porta tla prüma mesora. Le prüm gol ti garetel impó al Gais cíamò tl prüm tēmp. Al rōia ite en cross sön le palo lunch, Marco y Jordan salta sö por rinvié demez cun le cé. Le atacant sbürta demez Marco, spo cun la man sbilanciada atochel bel avisa la pala, insciö dal le arbiter le rigore. Sepl ne á degüna chance da parè. Le prüm tēmp se stlusc jö insciö sön le 1 a 0.

Tl secundo tēmp é spo garate le 2 a 0. En centrocampist da La Val á pordü la pala, spo el jü le avversar jö por la fascia y fesc ite en bel cros a mez, l'atacant dl Gais é stè bel sú dailo y á ma plü messe apogè te porta. Sön le 2 a 0 á La Val jumé ia da recuperè. Soradüt Alex Elz. es albü na gran oportunité. Daniel F. rōia jö por la fascia y mēt ite en pal d'or sön le rigore. Alex ne atoca nia dèrt la pala. Püch dedô é en contrast de cé tra Franzi y en centrocampist da Gais che vá fora mal por i dui. Franzi sla cava cun na bota al cé mo l'ater mëss gní portè te spitol, cun en

gran tai sura l'edl. A mesa le secundo tēmp ti garetel cíamò na picera papera ala difesa da La Val. Le zentral dla difes ne se capësc nia bun cun le portier y ti pasa zoruch cun en colp de cé. La pala rōia sura le portier fora y spo rōia en atacant sōn la pala y tira te porta.

Ala fin dla partida él cíamó le arbiter che ti scinca en rigore a La Val. Ivan T. se prejentëia y cun en bel tiro anglè fejel insciö le "gol della bandiera".

La partida se stlüsç jö insciö sōn le 3 a 1 por Gais.

Cun chisc trëi puné lascia sōn trú toma La Val zoruch al 10. post.

In dumënia saral le derby da Rît, sce La Val ne cambia nia, saral rî da davagné le derby, suradüt deache le Mareo é te na gran condiziun y á portè deplü resultač positivs a ciasa.

□

La formaziun titolara: Kantioler Sepl, Castlunger Marco, Alton Alex, Tavella Jordan, Tavella Thomas, Frenes Daniel, Verginer Franzi, Tschaffert Ivan, Rubatscher Romeo, Frenes Micky y Elzenbaumer Alex.

Sostituziuns:

Vallazza Paolo por Tavella Thomas

Valentin Elmar por Castlunger Marco

Miribung Adrian por Frenes Micky

Frenes Egon por Frenes Daniel

□

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)